

李賀歌詩編

開化圖書館

Wakuhwa Library

開化圖書館

Kaishua library

開化圖書館

Kaishua library

開化圖書館

Kaichua library

李 編

賀 歌 詩

四部叢刊集部

化 圖 加 賀 館
china library

上海涵芬樓借古里
瞿氏鐵琴銅劍樓藏
金刊本景印魚書板
心高營造尺六寸寬
四寸

李賀歌詩集序

京兆杜

牧

牧之

大和五年十月中半夜時舍外有疾呼傳緘書者牧曰必有異亟取火來及發之果集賢學士沈公子明書一通曰我止友李賀元和中義愛甚厚日多相與起居飲會賀且死常授我平生所著歌詩離為四編凡二百二十三首數年來東西南北良為已失去今夕醉解不復得寐即閱理篋帙忽得賀詩前所授我者思理往事凡與賀話言嬉遊一處所一物候一日一夕一觴

一飯顯顯然無有忘棄者不覺出涕賀復無家
室子弟得以給養卹問常恨想其人味其言止
矣子厚於我與我爲賀集序盡道其所來由亦
少解我意牧其夕不果以書道不可明日就公
謝且曰世謂賀才絕出于前讓居數日牧深惟
公曰公於詩爲深妙竒博且復盡知賀之得失
短長今實敘賀不讓必不能當公意如何復就
謝極道所不敢敘賀公曰子固若是是當慢我
牧因不敢復辭勉爲賀序然其甚慙唐皇諸孫
賀字長吉元和中韓吏部亦頗道其歌詩雲煙

開

ka

館


22

綿聯不足爲其態也水之迢迢不足爲其情也
春之盎盎不足爲其和也秋之明潔不足爲其
格也風檣陣馬不足爲其勇也瓦棺篆鼎不足
爲其古也時花美女不足爲其色也荒國侈殿
梗莽丘隴不足爲其恨怨悲愁也鯨吐鼉擲牛
鬼蛇神不足爲其虛荒誕幻也蓋騷之苗裔理
雖不及辭或過之騷有感怨刺懟言及君臣理
亂時有以激發人意乃賀所爲無得有是賀復
探尋前事所以深歎恨古今未嘗經道者如金
銅仙人辭漢歌補梁庾肩吾宮體謠求取情狀

離絕遠去筆墨畦逕間亦殊不能知之賀生二
十七年死矣世皆曰使賀且未死少加以理奴
僕命騷可也賀死後凡十有某年京兆杜牧爲
其序

開化圖書
Kathwa Libr

歌詩目錄編第一



凡五十九首

李憑箏篴引

殘絃曲

還自會稽歌

寄權璩楊敬之

示第

竹

同沈駙馬賦得御溝水

始為奉禮憶昌谷山居

七夕

過華清宮

送沈亞之歌

詠懷二首

追和柳惲

春坊正字劔子歌

貴公子夜闌曲

鴈門太守行

大堤曲

蜀國絃

蘇小小歌

夢天

唐兒歌

綠章封事

十二月樂辭

并閏月
十三首

天上謠

浩歌

秋來

帝子歌

秦王飲酒

洛妹真珠

李夫人

走馬引

湘妃

三月過行宮

南園 十三首

Wang Library

歌詩目錄編第二

凡五十四首

金銅僊人辭漢歌

古悠悠行

黃頭郎

馬詩 二十三首

申胡子感粟歌

老夫採玉歌

傷心行

湖中曲

黃家洞

屏風曲

南山田中行

貴主征行樂

贈時張初効潞幕

羅敷文與葛篇

仁和里雜叙皇甫湜

宮娃

堂堂

送小季之廬山二首

致酒行

長歌續短歌

公莫舞歌

昌谷北園新笋 四首

惱公

感諷 五首

歌詩目錄編第三

凡五十七首

追何謝銅雀妓

送秦光祿北征

酬谷 二首

畫角東城

朝謝秀才 四首

昌谷讀書示巴童

巴童答

代崔家送客

開化圖書館
Kazuhwa Library

出城

莫種樹

將發

畫江潭苑四首

張大宅病曲

難忘曲

賈公問貴壻曲

夜飲長眠曲

王濬墓下作

客遊

崇義里滯雨

馮小憐

贈陳商

釣魚

奉和二兄罷使

荅贈

題趙生壁

感春

仙人

河陽歌

花遊曲

春晝

安樂宮

胡蝶飛

梁公子

牡丹種曲

後園鑿井

開愁歌

秦宮詩

古鄴城童子謠

楊生青花石硯歌

房中思

石城曉

苦晝短

章和二年中

春歸昌谷

昌谷詩

銅駝悲

自昌谷到洛後

曉入太行

開

化

圖

書

館

Wan

Library

秋涼詩

歌詩目錄編第四

凡五十首

艾如張

上雲樂

巫山高

摩多樓子

猛常行

日出行

苦篁調嘯引

拂舞歌辭

夜坐吟

篋篋引

平城下

江南弄

榮華樂

相勸酒

瑤華樂

北中寒

梁臺古愁

公無出門

神絃別曲

綠水辭

沙路曲

上之回

高軒過

貝宮夫人

蘭香神女廟

送韋仁實

洛陽別皇甫湜

溪晚涼

官不來

長平箭頭歌

江樓曲

塞下曲

染絲上春機

五粒小松歌

開

Ua r h u a l b r a r y

塘上行

呂將軍歌

休洗紅

神絃曲

野歌

神泣

將進酒

美人梳頭歌

月漣漣篇

京城

官街鼓

許公子鄭姐歌

新夏歌

題歸夢

經沙苑

出城別張艾新酬李漢

開化圖書館

Kaichua library



歌詩編第一

隴西李

賀

長吉

李憑箏篋引

吳絲蜀桐張高秋空白凝雲頰不流江娥啼竹素女
愁李憑中國彈箏篋崑山玉碎鳳凰叫芙蓉泣露香
蘭笑十二門前融冷光二十三絲動紫篋女媧鍊石
補天處石破天驚逗秋雨夢入神山教神嫗老魚跳
波瘦蛟舞吳質不眠倚桂樹露脚斜飛濕寒兔

殘絲曲

垂楊葉老鶯哺兒殘絲欲斷黃蜂歸綠鬢少年金釵

客縹粉壺中沉琥珀花臺欲暮春辭去落花起作迴
風舞榆莢相催不知數沈郎青錢夾城路

還自會稽歌

并序

庾肩吾於梁時嘗作宮體謠引以應和皇子及國世
淪敗肩吾先潛難會稽後始還家僕意其必有遺文
今無得焉故作還自會稽歌以補其悲

野粉椒壁黃濕螢滿梁殿臺城應教人秋衾夢銅輦
吳霜點歸鬢身與塘蒲晚脉脉辭金魚羈臣守屯賤
出城寄權璩楊敬之

草暖雲昏萬里春宮花拂面送行人自言漢劍當飛

開

去何事還車載病身

示弟

別弟三年後還家十日餘醪醕今夕酒
緹帙去時書
病骨獨能在人間底事無何須問牛馬
拋擲任臬盧

竹

入水文光動抽空綠影春露華生筍
逕苔色拂霜根
織可承香汗裁堪釣錦鱗三梁曾入用
一節奉王孫
同沈駙馬賦得御溝水

入苑白泱泱宮人正靨黃
遶堤龍骨冷拂岸鴨頭香
別館驚殘夢停盃泛小觴
幸因流浪處暫得見何郎

始為奉禮憶昌谷山居

掃斷馬蹄痕，衙迴自閉門。
長鎗江米熟，小樹棗花春。
向壁懸如意，當簾閱角巾。
犬書曾去洛，鶴病悔遊秦。
土甑封茶葉，山杯鑠竹根。
不知船上月，誰棹滿溪雲。

七夕

別浦今朝暗，羅帷午夜愁。
鵲辭穿線月，花入曝衣樓。
天上分金鏡，人間望玉鉤。
錢塘蘇小小，更值一年秋。

過華清宮

春月夜啼鴉，宮簾隔御花。
雲生朱絡暗，石斷紫錢斜。
玉碗盛殘露，銀燈點舊紗。
蜀王無近信，泉上有芹芽。

閑

送沈亞之歌并序

文人沈亞之元和七年以書不中第返歸于吳江悲
其行無錢酒以勞又感沈之勤請乃歌一觥以勞之
吳興才人怨春風桃花滿陌千里紅紫絲竹斷驄馬
小家住錢塘東復東白藤交穿織書笈短策齊裁如
梵夾雄光寶礦獻春卿煙底驀波乘一葉春卿拾材
白日下擲置黃金解龍馬携笈歸江重入門勞勞誰
是憐君者吾聞壯夫重心骨古人三走無摧挫請君
待旦事長鞭他日還轅及秋律

詠懷二首

長卿懷茂陵綠草垂石井彈琴看文君春風吹鬢影
梁王與武帝棄之如斷梗唯留一簡書金泥太山頂
日夕著書罷驚霜落素絲鏡中聊自笑詎是南山期
頭上無幅巾苦藥已染衣不見清溪魚飲水得自宜

追和柳惲

汀洲白蘋草柳惲乘馬歸江頭檀樹香岸上胡蝶飛
酒盃茗葉露玉軫蜀桐虛朱樓通水脉沙暖一雙魚

春坊正字劍子歌

先輩匣中三尺水曾入吳潭斬龍子隙月斜明刮露
寒練帶平鋪吹不起蛟胎老皮蕤藜刺鷓鷯淬花白

開

鷓尾直是荆軻一片心莫教照見春坊字按絲團金
懸巖歎神光欲截藍田玉提出西方白帝驚嗷嗷鬼
母秋郊哭

貴公子夜闌曲

裏裏沉水煙烏啼夜闌景曲沼芙蓉波腰圍白玉冷

鴈門太守行

黑雲壓城城欲摧甲光向月金鱗開角聲滿天秋色
裏塞上燕脂凝夜紫半卷紅旗臨易水霜重鼓寒聲
不起報君黃金臺上意提携玉龍爲君死

大堤曲

妾家住橫塘紅紗滿桂香青雲教館頭上
皓明月與作耳邊璫蓮風起江畔春大堤上
留北人郎食鯉魚尾妾食猩猩脣莫指襄陽道
綠浦歸帆少今日菖蒲花明朝楓樹老

蜀國絃

楓香晚花靜錦水南山影驚石墜猿哀竹雲愁半嶺
涼月生秋浦玉沙鱗鱗光誰家紅淚客不忍過瞿塘

蘇小小歌

幽蘭露如啼眼無物結同心煙花不堪剪草如茵松
如蓋風為裳水為珮油辟車久相待冷翠燭勞光彩

開

ka

西陵下風雨晦

夢天

老兔寒蟾泣天色雲樓半開壁斜白玉輪
軋露濕團光鸞珮相逢桂香陌黃塵清水三
山下更變千年如走馬遙望齊州九點煙一
泓海水杯中瀉

唐歌兒杜幽公之子

頭玉硤硤眉刷翠杜郎生得真男子骨重神寒天廟
器一雙瞳人剪秋水竹馬稍稍搖綠尾銀鸞睨光踏
半臂東家嬌娘求對值濃笑畫空作唐字眼大心雄
知所以莫忘作歌人姓李

綠章封事爲吳道士夜醮作

青霓扣額呼宮神
鴻龍玉狗開天門
石榴花發滿溪津
漢女洗花染白雲
綠章封事詔元父
六街馬蹄浩無主
虛空風氣不清冷
短衣小冠作塵土
金家香街千輪鳴
揚雄秋室無俗聲
願携漢戟招書鬼
休令恨骨填蒿里

河南府試十二月樂辭并閏月

正月

上樓迎春新春歸
暗黃著柳宮漏遲
薄薄淡靄弄野姿
寒綠幽風生短絲
錦牀曉卧玉肌冷
露臉未開對

開

ka

朝暝官街柳帶不堪折早晚菖蒲勝綰結

二月

飲酒採桑津宜男草生蘭笑人蒲如交劔風如薰勞
勞胡鶯怨酣春薇帳逗烟生綠塵金翅峨髻愁暮雲
沓颭起舞真珠裙津頭送別唱流水酒客背寒南山死

三月

東方風來滿眼春花城柳暗愁幾人複宮深殿竹風
起新翠舞衿淨如水光風轉蕙百餘里暖霧驅雲撲
天地軍裝宮妓掃娥淺搖搖錦旗夾城暖曲水廳香
去不歸梨花落盡成秋苑

四月

曉涼暮涼樹如蓋
千山濃綠生雲外
依微香雨青氛
氲膩葉蟠花照曲門
金塘閑水搖碧漪
老景沉重無
驚飛墮紅殘萼
暗參差

五月

雕玉押簾上輕轂籠虛門
井汲鉉華水扇織鴛鴦文
迴雪舞涼殿甘露洗空綠
羅袖從徊翔香汗霑寶粟

六月

裁生羅伐湘竹帔拂踈霜
簟秋玉炎炎紅鏡東方開
暈如車輪上徘徊
啾啾赤帝騎龍來

開

七月

星依雲渚冷露滴盤中
圓好花生木末衰蕙愁空園
夜天如玉砌池葉極青錢
僅厭舞衫薄稍知花簟寒
曉風何拂拂北斗光闌干

八月

孀妾怨長夜獨客夢歸家
傍簷蟲緝絲向壁燈垂花
簷外月光吐簾中樹影斜
悠悠飛露姿點綴池中荷

九月

離宮散燹天似水竹黃池
冷芙蓉死月綴金鋪光脉
脉涼苑虛庭空澹白霜花
飛飛風草草翠錦爛班滿

層道雞人罷唱曉
瓏璵鴟啼金井下
踈桐

十月

玉壺銀箭稍難傾
缸花夜笑凝幽明
碎霜斜舞上羅
幕燭龍兩行照飛閣
珠帷怨卧不成眠
金鳳刺衣著
體寒長眉對月關
鸞環

十一月

宮城團迴凜嚴光
白天碎碎墮瓊芳
搗鍾高飲千日
酒却天凝寒作君壽
御溝泉合如環素火
井溫水在何處

十二月

日脚淡光紅灑灑薄霜不銷桂枝下依倚和氣解冬
嚴已就長日辭長夜

閏月

帝重光年重時七十二候迴環催天官玉琯灰剩飛
今歲何長來歲遲王母移桃獻天子犧氏和氏迂龍轡

天上謠

天河夜轉漂迴星銀浦流雲學水聲玉宮桂樹花未
落仙妾採香垂珮纓秦妃卷簾北牕曉牕前植桐青
鳳小王子吹笙攜管長呼龍耕煙種瑤草粉霞紅綬
藕絲裙青洲步拾蘭苕春東指羲和能走馬海塵新

生石山下

浩歌

南風吹山作平地帝遣天吳移海水王母桃花千遍
紅彭祖巫咸幾迴死青毛驄馬參差錢嬌春楊柳含
細煙箏人勸我金屈卮神血未凝身問誰不須浪飲
丁都護世上英雄本無主買絲繡作平原君有酒唯
澆趙州土漏催水咽玉蟾蜍衛娘髮薄不勝梳看見
秋眉換深綠二十男兒那刺促

秋來

桐風驚心壯士苦衰燈絡緯啼寒素誰看青簡一編

書不遣花蟲粉空蠹思牽今夜腸應直雨冷香魂吊
書客秋墳鬼唱鮑家詩恨血千年土中碧

帝子歌

洞庭明月一千里涼風鴈啼天在水九節菖蒲石上
死湘神彈琴迎帝子山頭老桂吹古香雌龍怨吟寒
水光沙浦走魚白石郎閑取真珠擲龍堂

秦王飲酒

秦王騎虎遊八極劍光照空天自碧羲和敲日玻璃
聲劫灰飛盡古今平龍頭瀉酒邀酒星金槽琵琶夜
振振洞庭雨脚來吹笙酒酣喝月使倒行銀雲擲擲

九
瑶殿明宮門掌事報一更花樓玉鳳聲嬌
寧海綃紅文香淺清黃鵝跌舞千年觥
仙人燭樹蠟煙輕清琴醉眼淚泓泓

洛妹真珠

真珠小娘下青廓洛苑香風飛綽綽
寒鬢斜釵玉鸞光高樓唱月敲懸璫
蘭風桂露洒幽翠紅絃裏雲咽深思
花袍白馬不歸來濃娥疊柳香脣醉
金娥屏風蜀山夢鸞裙鳳帶行煙重
八驄籠晃臉差移日絲繁散曛羅洞
市南曲陌無秋涼楚腰衛鬢四時芳
玉喉窸窸排空光牽雲曳雪留陸郎

開

ka

李夫人

紫皇宮殿重重開
夫人飛入瓊瑤臺
綠香繡帳何時歇
青雲無光宮水咽
翩聯桂花墜
秋月孤鸞驚啼商
絲發紅壁闌珊懸
珮璫歌臺小妓遙相望
玉蟾滴水雞人唱
露華蘭葉參差光

走馬引

我有辭鄉劍
玉鋒堪截雲
襄陽走馬客
意氣自生春
朝嫌劍光淨
暮嫌劍花冷
能持劍向人
不解持照身

湘妃

筠竹千年老不死
長伴秦娥蓋湘水
蠻娘吟弄滿寒

空九山靜綠淡花紅離鸞別鳳煙梧中巫雲蜀雨
遙相通幽愁秋氣上青楓涼夜波聞吟古龍

三月過行宮

渠水紅繁擁御牆風嬌小葉學娥粧垂簾幾度青春
老堪鐔千年白日長

南園一十三首

花枝草蔓眼中開小白長紅越女腮可憐日暮嫣香
落嫁與春風不用媒

宮北田塍曉氣酣黃桑飲露窳宮簾長腰健婦偷攀
折將餽吳王八齒齏

開

竹裏縹絲挑網車青蟬獨噪日光斜
桃膠迎夏香琥珀自課越傭能種瓜

三十未有二十餘白日長飢小甲蔬
橋頭長老相哀念固遺戎韜一卷書

男兒何不帶橫刀收取關山五十州
請君暫上凌煙閣若箇書生萬戶侯

尋章摘句老彫蟲曉月當簾挂玉弓
不見年年遼海上文章何處哭秋風

長卿牢落悲空舍曼倩恢諧取自容
見買若耶溪水劍明朝歸去事猿公

春水初生乳鷺飛黃蜂小尾撲花歸
牕含遠色通書幌魚擁香鉤近石磯

泉沙熨卧鴛鴦暖曲岸迴篙舫
舳遲瀉酒木蘭椒葉蓋病容扶起種菱絲

邊壤今朝憶蔡邕無心裁曲卧
春風舍南有竹堪書字老去溪頭作釣翁

長巖谷口倚嵇家白晝千峯老
翠華自履藤鞋收石蜜手牽苔絮長莖花

松溪黑水新龍卵桂洞生硝舊馬牙
誰爲虞卿裁道帔輕綃一疋染朝霞

開

u a r r

歌詩編第一

小樹開朝迎長葺濕夜煙柳花驚雪浦麥雨漲溪田
古刹踈鐘度遙嵐破月懸沙頭敲石火燒竹照漁舡

開化園

ka hua yuan

館

guan

開化圖書館

Kaichwa library

九

四

歌詩編第二

隴西李

賀長吉

金銅仙人辭漢歌并序

魏明帝青龍九年八月詔宮官牽車西取漢孝武捧
露盤仙人欲立置前殿宮官既圻盤仙人臨載乃潛
然淚下唐諸王孫李長吉遂作金銅仙人辭漢歌
茂陵劉郎秋風客夜聞馬嘶曉無跡畫欄桂樹懸秋
香三十六宮土花碧魏官牽車指千里東關酸風射
眸子空將漢月出宮門憶君清淚如鈇水衰蘭送客
咸陽道天若有情天亦老携盤獨出月荒涼渭城已

遠波聲小

古悠悠行

白景歸西山碧華上迢迢今古何處盡千歲隨風颺
海沙變成石魚沫吹秦橋空光遠流浪銅柱從年消

黃頭郎

黃頭郎撈擁去不歸南浦芙蓉影愁紅獨自垂水弄
湘娥珮竹啼山露月玉瑟調青門石雲濕黃葛沙上
靡無花秋風已先發好持掃羅薦香出鴛鴦熱

馬詩二十三首

龍脊貼連錢銀蹄白踏煙無人織錦韉誰爲鑄金鞭

開

ka

臘月草根甜天街雪似鹽未知口硬軟先擬蒺藜銜
忽憶周天子驅車上玉崑鳴騶辭鳳苑赤驥最承恩
此馬非凡馬房星是本星向前敲瘦骨猶自帶銅聲
大漠沙如雪燕山月似鉤何當金絡腦快走踏清秋
飢卧骨查牙麤毛刺破花鬚焦朱色落髮斷鋸長麻
西母酒將闌東王飯已乾君王若燕去誰為拽車轆
赤兔無人用當須呂布騎吾聞果下馬羈策任蠻兒
颺叔死葱葱如今不豢龍夜來霜壓棧駿骨折西風
催榜渡烏江一作神騅泣向風吾王今解劔何處逐英雄
內馬賜官人銀鞵刺騏驎年時鹽坂上蹭蹬溘風塵

批竹初攢耳桃花未上身他時須攬陣牽去借將軍
寶玦誰家子長文俠骨香堆金買駿骨將送楚襄王
香撲赭羅新盤龍蹙鐙鱗迴看南陌上誰道不逢春
不從桓公獵何能伏虎威一朝溝隴出看取拂雲飛
唐欲斬隋公拳毛屬太宗莫嫌金甲重且去捉颯風
白鐵剉青禾碓間落細莎世人憐小頸金埒畏長牙
伯樂向前看旋毛在腹間祇今培白草何日驀青山
蕭寺馱經馬元從竺國來空知有善相不解走章臺
重圍如鷲尾寶劍似魚腸欲求千里脚先采眼中光
暫繫騰黃馬仙人上絳樓須鞭玉勒吏何事謫高州

開

ka

汗血到王家隨鸞撼玉珂少君騎海上人見是青騾
武帝愛神仙燒金得紫煙殿中皆肉馬不解上青天

申胡子甯策歌并序

申胡子朔客李氏本亦世家子得祀江夏王廟當年
踐履失序遂奉官北郡自稱學長調短調久未知名
今年四月吾與對舍於長安崇義里遂將衣質酒命
予合飲氣熟杯闌因謂吾曰李長吉爾徒能長調不
能作五字歌詩直強迴筆端與陶謝詩勢相遠幾里
吾對後請撰申胡子甯策歌以五字斷句歌成左右
人合譟相唱朔客大喜擎觴起立命花娘出幕徘徊

拜客吾問所宜稱善平弄於是以致辭配聲與予爲壽
顏熟感君酒含爵蘆中聲花娘纂綏安休睡芙蓉屏
誰截太平管列點排空星直貫開花風天上驅雲行
今夕歲華落令人惜平生心事如波濤中坐時時驚
朔客騎白馬劔弋懸蘭纓俊健如生獐肯拾蓬中瑩

老夫採玉歌

採玉採玉須水碧瑄作步搖徒好色老夫飢寒龍爲
愁藍溪水氣無清白夜雨崗頭食蒸子杜鵑口血老
夫淚藍溪之水戾生人身死千年恨溪水斜山柏風
雨如嘯泉脚挂繩青裊裊村寒白屋念嬌嬰古臺石

開

ka

磴懸腸草

傷心行

咽咽學楚吟病骨傷幽素秋姿白髮生木葉啼風雨
燈青蘭膏歇落照飛蛾舞古壁生凝塵羈魂夢中語

湖中曲

長眉越沙採蘭若桂葉水蒨春漠漠橫舩醉眠白晝
閑渡口梅風歌扇薄燕釵玉股照青渠越王嬌郎小
字書蜀紙封中報雲鬢晚漏壺中水淋盡

黃家洞

雀步蹙沙聲促促四尺角弓青石鏃黑幡三點銅鼓

鳴高作猿啼，搖箭箠綵布。纏蹠幅半斜，溪頭簇隊映。
葛花山潭晚，霧吟白鼉竹。蛇飛蠹射金沙，閑驅竹馬。
緩歸家，官軍自殺容州槎。

屏風曲

蝶棲石竹銀交關，水凝綠鴨瑠璃錢。團迴六曲抱膏
蘭，將鬢鏡上擲金蟬。沉香火煖茱萸煙，酒魇縮帶新
承懽。月風吹露屏外寒，城上烏啼楚女眠。

南山田中行

秋野明，秋風白。塘水漻漻蟲嘖嘖，雲根蒼蒼藓山上。石
冷紅泣露，嬌啼色荒畦。九月稻叉芽，鰲螢低飛隴逕。

閑

斜石脉水流泉滴沙鬼燈如漆照松花

貴主征行樂

奚騎黃銅連鑠甲羅旗香榦金畫葉中軍留醉河陽
城嬌嘶紫鸞踏花行春營騎將如紅玉走馬梢鞭上
空綠女垣秦月角伊伊牙帳未開分錦衣

酒罷張大徹索贈時張初効潞幕

長鬣張郎三十一天遣裁詩花作骨往還誰是龍頭
人公主遣乘魚鬣笏太行青草上白衫匣中章奏密
如蠶金門石閣知卿有象角雞香早晚含隴西長吉
摧頽客酒闌感覺中區窄葛衣斷碎趙城秋吟詩一

夜東方白

羅敷交與葛篇

依依宜織江雨空雨中六月蘭臺風博羅老仙時出
洞千歲石牀啼鬼工毒蛇濃吁洞堂濕江魚不食銜
沙立欲剪箱中一尺天吳娥莫道吳刀澁

仁和里雜叙皇甫湜時湜新尉陸渾

大人乞馬癯乃寒宗人貸宅荒厥垣橫庭鼠逕空土
澁出籬大棗垂朱殘安定美人截黃綬脫落纓裙暝
朝酒還家白筆未上頭使我清聲落人後枉辱稱知
犯君眼排引纜陞強絙斷洛風送馬入長關闔扇未

開

ka

開逢狹犬那知堅都相草草客枕幽單看春老歸來
骨薄面無膏瘦瘡衝頭鬢莖少欲彫小說干天官宗
孫不調爲誰憐明朝下元復西道崆峒敘別長如天

宮娃歌

蠟光高懸照紗空花房夜擣紅守宮象口吹香毳毼
暖七星挂城聞漏板寒入罌窻殿影昏彩鸞簾額著
霜痕啼蛄平月鉤欄下屈膝銅鋪鑠阿甄夢入家門
上沙渚天河落處長州路願君光明如太陽放妾騎
魚撇波去

堂堂

堂堂復堂堂紅脫梅灰香十年粉蠹生畫梁飢蟲不
食推碎黃蕙花已老桃葉長禁院懸簾隔御光華清
源中礮石湯徘徊百鳳隨君王

勉愛行二首送小季之廬山

洛郊無俎豆樊廡慙老馬小鴈過鑪峯影落楚水下
長船倚雲泊石鏡秋涼夜豈解有鄉情弄月聊鳴啞
別柳當馬頭官槐如兔目欲將千里別持我易斗粟
南雲北雲空脉斷靈臺經絡懸春綫青軒樹轉月滿
牀下國飢兒夢中見維尔之昆二十餘年來持鏡頗
有鬚辭家三載今如此索米王門一事無荒溝古水

開
u a

光如刀庭南拱柳生蟻蟪江干幼客真可念郊原晚
吹悲號號

致酒行

零落棲遲一杯酒主人奉觴客長壽主父西遊困不
歸家人折斷門前柳吾聞馬周昔作新豐客天荒地
老無人識空將牋上兩行書直犯龍顏請恩澤我有
迷魂招不得雄雞一聲天下白少年心事當拏雲誰
念幽寒坐鳴呃

長歌續短歌

長歌破衣襟短歌斷白髮秦王不可見旦夕成內熱

渴飲壺中酒飢拔隴頭粟淒淒四月蘭千里一時綠
夜峯何離離明月落石底徘徊浚石尋照出高峯外
不得與之遊歌成續先改

公莫舞歌并序

公莫舞歌者詠項伯翼蔽劉沛公也會中壯士灼灼
於人故無復書且南北樂府率有歌引賀陋諸家今
重作公莫舞歌云

方花古礎排九楹刺豹淋血盛銀鬕華筵鼓吹無桐
竹長刀直立割鳴箏橫楣麤錦生紅緯日炙錦媯王
未醉腰下三看寶玦光項莊掉箭攔前起材官小臣

開

公莫舞座上真人赤龍子芒碭雲端抱天迴咸陽王
氣清如水鐵樞鐵捷重束關大旗五丈撞雙鐸漢王
今日須秦印絕臏剗腸臣不論

昌谷北園新筍四首

籜落長華削玉開君看母筍是龍材更容一夜抽千
尺別却池園數寸泥

斫取清光寫楚辭膩香春粉黑離離無情有恨何人
見露墜煙啼千萬枝

家泉十眼兩三莖曉看陰根紫脉生今年水曲春沙
上笛管新篁拔玉青

古竹老梢惹碧雲
茂陵歸卧欲清貧
風吹千畝迎雨
嘯鳥重一枝入酒樽

惱公

宋玉愁空斷
嬌嬈粉自紅
歌聲春草露
門掩杏花叢
注口櫻桃小
添眉桂葉濃
曉奩粧秀鬢
夜帳減香筒
鈿鏡飛孤鵲
江圖畫水筵
陂陲梳碧鳳
嬈裏帶金蟲
杜若含清靄
河蒲聚紫茸
月分蛾黛破
花合臉朱融
鬢重疑盤霧
膏輕乍倚風
寄書題荳蔻
隱語笑芙蓉
莫鎖茱萸匣
休開翡翠籠
弄珠驚漢鷺
燒蜜引胡蜂
醉纈拋紅網
單羅挂綠蒙
數錢教姹女
買藥問巴賁

閑

勻臉安斜鴈移燈想夢熊腸攢非束竹脰急是張弓
晚樹迷新蝶殘蛻憶斷虹古時填渤海今日鑿崆峒
繡沓寒長幔羅裙結短封心搖如舞鶴骨出似飛龍
井檻淋清漆門鋪綴白銅隈花開兔逕向壁印狐蹤
玳瑁釘簾薄琉璃疊扇烘象牀綠素柏瑤席卷香葱
細管吟朝幌芳醪落夜楓宜男生楚巷梳子發金墉
龜甲開屏澁鵝毛梁墨濃黃庭留衛瓘綠樹養韓馮
雞唱星懸柳鷓啼露滴桐黃娥初出座寵妹始相從
蠟淚垂蘭燼秋蕪掃綺櫳吹笙翻舊引沽酒待新豐
短珮愁填粟長絃怨削菘曲池眠乳鴨小閣睡娃僮

簾

24

褥縫纂雙綫鉤緇辦五總蜀煙飛重錦峽雨濺輕容
拂鏡羞温嶠薰香避賈充魚生玉藕下人在石蓮中
含水彎娥翠登樓濕馬鬣使君屈曲陌園令住臨邛
桂火流蘇暖金爐細炷通春暹王子態鸞轉謝娘慵
玉漏三星曙銅街五馬逢犀珠防膽怯銀液鎮心忪
跳脫看年命琵琶道吉凶王時應七夕夫位在三宮
無力塗雲母多方滯藥翁符因青鳥送囊用絳紗縫
漢苑尋官柳河橋閱禁鍾月明中婦覺應笑畫堂空

感諷五首


合浦無明珠龍洲無木奴足知造化力不給使君須

越婦未織作吳蠶始蠕蠕縣官騎馬來獐色虬紫鬚
懷中一方板板上數行書不因使君怒焉得詣尔廬
越婦拜縣官桑牙今尚小會待春日晏絲車方擲掉
越婦通言語小姑具黃梁縣官踏餐去簿吏復登堂
奇俊無少年日居何躡躡我待紆雙綬遺我星星髮
都門賈生墓青蠅久斷絕寒食搖揚天憤景長肅殺
皇漢十二帝唯帝稱睿哲一夕信豎兒文明永淪歇
南山何其悲鬼雨灑空草長安夜半秋風前幾人老
低迷黃昏迳裊裊青襟道月午樹無影一山唯白曉
漆炬迎新人出墻螢擾擾

星盡四方高萬物知天曙已生須已養荷檐出門去
君平久不反康伯循國路曉思何澆澆闌闌千人語
石根秋水明石畔秋草瘦侵衣野竹香蟄蟄垂雲厚
岑中月歸來蟾光挂雲岫桂露對仙娥星星下雲逗
淒涼梳子落山墨泣清漏下有張仲蔚披書案將朽

歌詩編第二

關化圖



歌詩編第三

追何謝銅雀妓

隴西李

賀長吉

佳人一壺酒秋容滿千里石馬卧新煙憂來何所以
歌聲且潛弄陵樹風自起長裾墜高臺淚眼看花机

送秦光祿北征

北虜膠堪折秋沙亂曉輦騎胡頭犯塞驕氣似橫霓
灞水艤船渡營門細柳開將軍馳白馬豪彥騁雄材
箭射撓槍落旗懸日月低榆稀山易見甲重馬頻嘶
天遠星光没沙平草葉齊風吹雲路火雪汚玉關泥

九
三
一
屢斷呼韓頸曾燃董卓臍太常猶舊寵光祿是新階
寶玦騏驎起銀壺拂臨帝桃花連馬發綵絮撲鞍來
呵臂懸金斗當脣注玉壘清蘇和碎蠟紫膩卷浮盃
虎鞞先蒙馬魚腸且斷犀趁趨西旅狗蹙頰北方奚
守帳燃香暮看鷹永夜棲黃龍就別鏡青冢念陽臺
周處長橋役侯調短弄哀錢塘階鳳羽正室臂鸞釵
內子攀琪樹羌兒奏落梅今朝擊劔去何日刺蛟迴

酬荅二首

金魚公子夾衫長密裝腰鞞割玉方行處春風隨馬
尾柳花偏打內家香

關

雍州二月海池春御水鵝鵲暖白蘋試問酒旗歌板
地今朝誰是拗花人

畫角東城

河轉曙蕭蕭鷗飛睥睨高帆長標越甸壁冷挂吳刀
淡菜生寒日鮒魚濕白濤水花露沾抹額旗鼓夜迎潮

謝秀才有妾縞練改從於人秀才引留之不
得後生感憶座人製詩朝謝賀復繼四首

誰知泥憶雲望斷梨花春荷絲楚機練竹葉剪花裙
月明啼阿姊燈暗會良人也識君夫壻金魚挂在身
銅鏡立青鸞燕脂拂紫綿鰓花弄暗粉眼尾淚侵寒

館

ry

碧玉破瓜後，瑤琴重撥絃。今日非昔日，何人敢正看。
洞庭思不禁，蜂子採花心。灰暖殘香炷，髮冷青蟲簪。
夜遙燈焰短，紅熟小屏深。好作鴛鴦夢，南城罷擣砧。
尋常輕宋玉，今日嫁文鴛。戟幹橫龍箴，刀環倚桂牕。
邀人裁半袖，端坐據胡牀。淚濕紅輪重，栖鳥上井塘。

昌谷讀書示巴童

蟲響燈光薄，宵寒藥氣濃。君憐垂翅客，辛苦尚相從。
巴童荅

巨鼻宜山褐，虎眉入苦吟。非君唱樂府，誰識怨秋深。
代崔家送客

開

行蓋柳煙下馬蹄白翩翩恐隨行處盡何忍重揚鞭

出城

雪下桂花稀啼鳥被彈歸關水乘驢影秦風帽帶垂
入鄉誠萬里無印自堪悲卿卿忍相問鏡中雙淚姿

莫種樹

園中莫種樹種樹四時愁獨睡南牀月今秋似去秋

將發

東牀卷席罷濩落將行去秋白遙遙空月滿門前路

畫江潭苑四首

吳苑曉蒼蒼宮衣水濺黃小鬟紅粉薄騎馬珮珠長

路拍臺城迴羅薰袴褶香行雲霑翠輦今日似襄王
寶秣菊衣單蕉花密露寒水光蘭澤葉帶重剪刀錢
角暖盤弓易靴長上馬難淚痕霑寢帳勻粉照金鞍
剪翅小鷹斜緜根王鏃花鞦垂粧細粟箭箠釘文牙
鸞鸞啼深竹鳩鵲老濕沙宮官燒蠟火飛燼汗鈿華
十騎蒺芙蓉容衣小隊紅練香燠宋鵲尋箭踏盧龍
旗濕金鈴重霜乾玉鐙空今朝畫眉早不待景陽鍾

潞州張大宅病酒遇江使寄上十四兄

秋至昭關後當知趙國寒繫書隨短羽寫恨破長綫
病客眠清曉踈桐墜綠鮮城鷓啼粉堞軍吹墜蘆煙

關

岸幘褰紗幌枯塘卧折蓮木牕銀跡盡石蹬水痕錢
旅酒侵愁肺離歌繞懦絃詩封兩條淚露折一枝蘭
莎老沙雞泣松乾瓦獸殘覺騎燕地馬夢載楚溪船
椒桂傾長席鱸魴斫玳筵豈能忘舊路江島滯佳年

難忘曲 古詩有君家誠易知易知復難忘

夾道開洞門弱柳低畫戟簾影竹華起簫聲吹日色
蜂語繞粧鏡拂娥學春碧亂繫丁香梢滿欄花向夕

賈公問貴婿曲

朝衣不須長分花對袍縫嚶嚶白馬春滿腦黃金重
金朝香氣苦珊瑚澁難枕且耍弄風人暖蒲沙上飲

驚語踏簾鉤日虹屏中碧潘令在河陽無人死芳色

夜飲長眠曲

觴酣出座東方高霽橫半解呈勞勞柳苑鴉啼公主
醉薄露壓花蕙園氣王轉濕絲牽曉水熟粉生香琅
玕紫夜飲朝眠斷無事楚羅之幃卧皇子

王濬墓下作

人間無阿童猶唱水中龍白草侵煙死秋梨遶地紅
古書平黑石神劍斷青銅耕勢魚龍起墳科馬驢封
菊花垂濕露棘逕卧乾蓬松柏愁香澁南原幾夜風

客遊

閑

ka

悲滿千里心日暖南山石不謁承明廬老作平原客
四時別家廟三年去鄉國旅歌屢彈缺歸問時裂帛

崇義里滯雨

落漠誰家子來感長安秋壯年抱羈恨夢泣生白頭
瘦馬秣敗草雨沫飄寒溝南宮古簾暗濕景傳籤籌
家山遠千里雲脚天東頭憂眠枕劔匣客帳夢封侯

馮小憐

灣頭見小憐請上琵琶絃破得春風恨今朝直幾錢
裙垂竹葉帶鬢濕杏花煙玉冷紅絲重齊宮妾駕鞍

贈陳商

長安有男兒二十心已朽楞伽堆案前楚辭繫肘後
人生有窮拙日暮聊飲酒祇今道已塞何必須白首
淒淒陳述聖披褐鋏俎豆學爲堯舜文時人責衰偶
柴門車轍凍日下榆影瘦黃昏訪我來苦節青陽皴
太華五千仞劈地抽森秀旁古無寸尋一上憂牛斗
公卿縱不憐寧能鑷吾口李生師太華大坐看白晝
逢霜作樸檉得氣爲春柳禮節乃相去鱗類如芻狗
風雪直齊壇墨組貫銅綬臣妾氣態閒唯欲承箕箒
天眼何時開古劍庸一吼

釣魚

開

ka

秋水釣紅渠仙人待素書菱絲縈獨繭菰米蟄雙魚
斜竹垂清沼長綸貫碧虛餌懸春蜴蜥鉤墜小蟾蜍
詹子情無限龍陽恨有餘爲看煙浦上楚女淚霑裾

奉和二兄罷使遣歸延州

空留三尺劔不用一丸泥馬向沙場去人歸故國來
留愁翻隴水喜酒灑春衣錦帶休驚鴈羅衣尚闕雞
還吳已渺渺入郢莫淒淒自是桃李樹何畏不成蹊

荅贈

本作張公子曾名萼綠華沈香燻小象楊柳伴啼鴉
露路濕金泥冷盃闌玉樹斜琴堂沽酒客新買後園花

題趙生壁

大婦燃竹根中婦春玉屑冬暖十松枝日煙坐蒙滅
木蘚青岡老石井水聲發曝背卧東亭桃花滿肌骨

感春

日暖白蕭條花悲北郭騷榆穿菜子眼柳斷舞兒腰
上幕迎神鷲飛絲送百勞胡瑟今日恨急語向檀槽

仙人

彈琴石壁上翻翻一仙人手持白鸞尾夜掃南山雲
鹿飲寒澗下魚歸清海濱時時漢武帝書報桃花春

河陽歌

關

滌羅衣秋藍難著色不是無心人爲作臺
印客花燒中誕城顏郎身已老惜許兩少年
抽心似春草今日見銀牌今夜烏玉燕牛頭
高一尺隔坐應相見日從東方來酒從東方
轉觥船飲口紅蜜炬千枝爛

花遊曲并序

寒食日諸王妓遊賀入座因採梁簡文詩調賦
花遊曲與妓彈唱

春柳南陌態冷花寒露姿今朝醉城外拂鏡
濃掃眉煙濕愁車重紅油覆畫衣舞裙香不
暖酒色上來遲

春書

朱城報春更漏轉光風催蘭吹小殿草細堪梳柳長
如練卷衣秦帝掃粉趙燕日含畫幕蜂上羅薦平陽
華塢河陽花縣越婦杼機吳蠶作繭菱汀繫帶荷塘
倚扇江南有情塞北無恨

安樂宮

深井桐烏起尚復牽清水未盥邵陵王瓶中弄長翠
新城安樂宮宮如鳳凰翅歌迴蠟板鳴大棺提壺使
綠繁悲水曲茱萸別秋子

胡蝶飛

楊花撲帳春雲熱龜甲屏風醉眼纈東家胡蝶西家

開

ka

飛白騎少年今日歸

梁公子

風彩出蕭家本是菖蒲花南塘蓮子熟洗馬走江沙
御牋銀沫冷長簾鳳窠斜種柳營中暗題書賜館娃

牡丹種曲

蓮枝未長秦蘅老走馬馱金斲春草水灌香泥却月
盆一夜綠房迎白曉美人醉語園中煙晚華已散蝶
又闌梁王老去羅衣在拂袖風吹蜀國絃歸霞帔拖
蜀帳昏媽紅落粉罷承恩檀郎謝女眠何處樓庭月
明鸞夜語

後園鑿井

井上轆轤牀上轉水聲繁絲聲淺情若何荀奉倩城
頭日長向城頭住一日作千年不須流下去

開愁歌筆下作

秋風吹地百草乾華容碧影生晚寒我當二十不得
意一心愁謝如梧蘭衣如飛鷄馬如狗臨歧擊劍生
銅吼旗亭下馬解秋衣請貰宜陽一壺酒壺中喚天
雲不開白晝萬里閑淒迷主人勸我養心骨莫愛俗
物相填狹

秦宮詩并序

開

漢人秦宮將軍染其之嬖奴也秦宮得寵內舍故以
驕名大譟於人子撫舊而作長辭以馮子都之事相
爲對望又云昔有之詩

越羅衫袂迎春風玉刻騏驎膏帶紅樓頭曲宴仙人
語帳底吹笙香霧濃雲鬪酒暖春茫茫花枝入簾白日
長飛牕複道傳籌飲午夜銅盤膩燭黃禿衿小袖調
鸚鵡紫繡麻霞踏哮虎斫桂燒金待曉筵白鹿清蘇
夜半煮桐陰永巷調生馬內屋屏風生色畫開門爛
用水衡錢卷起黃河向身瀉皇天厄運猶曾裂秦宮
一生花裏活鸞篋奪得不還人醉卧麝鼈滿堂月

古鄴城童子謠効王粲曹操

鄴城中墓塵起將黑丸斫文吏棘爲鞭虎爲馬團團
走鄴城下切玉劍射日弓獻何人奉相公扶轂來閣
右兒香掃塗相公歸

楊生青花石硯歌

端州石工巧如神踏天磨刀割紫雲傭刈抱水含滿
脣暗灑萋弘冷血痕紗帷晝暖墨花春輕漚漂沫松
麝薰乾膩薄重立脚勻數寸光秋無日昏圓毫促點
聲靜新孔硯寬頑何足云

房中思

關

u a t h

新桂如娥眉秋風吹小綠行輪出門去玉鑿聲斷續
月軒下風露曉庭自幽澁誰能事貞素卧對莎雞泣

石城曉

月落大堤上女垣樓鳥起細露濕團紅寒香解夜醉
石子渡天河柳煙滿城曲上客留斷纓殘娥闕雙綠
春帳依微蟬翼羅橫茵突金隱躡花帳前輕絮絮鶴毛
起欲說春心無所以

苦書短

飛光飛光歡爾一杯酒吾不識青天高黃地厚唯見
月寒日暖來前人壽食龍則腓食蛙則瘦神君何在

太一安有天東有若木下置銜燭龍吾將斬龍足
嚼龍肉使之朝不得迴夜不得伏自然老者不死少
者不哭何爲餌黃金吞白玉誰似任公子雲中騎碧
驢劉徹茂陵多滯骨嬴政梓棺費鮑魚

章和二年中

雲蕭索田風拂拂稜芒如等黍如粟關中父老百領
襦關東吏人乏詬租健犢春耕土膏黑苜蒲叢叢
水脉殷勤爲我下田租百錢携賞絲桐客遊春漫光
塢花白野林散香神降席拜神得壽獻天子七星貫
斷姮娥死

關

ka

春歸昌谷

束髮方讀書謀身苦不早終軍未乘傳顏子鬻先老
天誠信崇大矯士常慙慙逸日駢甘華羈心如荼蓼
早雲二三月岑岫相顛倒誰揭楨玉盤東方發紅照
春熱張鶴蓋兔目官槐小思焦面如病嘗膽腸似絞
京國心爛漫夜夢歸家少發軔東門外天地皆浩浩
青樹驪山頭花風滿秦道宮臺光錯落裝盡偏峯嶠
細綠及團紅當路雜啼笑香氣下高廣鞍馬正華耀
獨乘枻接車自覺少風調心曲語形影抵身焉足樂
豈能脫負擔刻鶴曾無兆幽幽太華側老柏如建壽

龍皮相排展翠羽更蕩掉驅趨委摧悴眺覽強容兒
花蔓閱行翰穀煙暝深徼少健無所就入門愧家老
聽講依大樹觀書臨曲沼知非出神虎甘作藏霧豹
韓烏處矰繳湘儵在籠罩狹行無廓落壯士徒輕躁

昌谷詩五月二十七日作

昌谷五月稻細青滿平水遙巖相壓疊頽綠愁墮地
光潔無秋絲涼曠吹浮媚竹香滿淒寂粉節塗生翠
華駭垂恨鬢光露泣幽淚層團爛洞曲芳徑老紅醉
攢蟲鏤古柳蟬子鳴高邃大帶委黃葛紫蒲交狹涘
石錢差復藉厚葉皆蟠膩汰沙好平白立馬印青字

開

Ua

館
22

晚鱗自傲造瘦鵠鳴單跼嘹嘹濕蝓聲咽源驚濺起

紆綾王真路近武后巡幸路神娥蕙花裏苔絮紫澗礫山寶

垂頰紫小柏儼重扇肥松突丹髓鳴流走響韻壠秋

拖光毳鷲唱閨女歌瀑懸楚練帔風露滿笑眼駢巖

雜舒墜亂條迸石巔細頸喧島嵒日脚掃歸翳新雲

啓華闕謚謚厭夏光商風道清氣高眠服玉容燒桂

祀天几谷與女山嶺阪相承山即蘭霧務衣夜披拂眠

壇夢直粹待駕棲鸞老故宮椒壁圯福昌宮在鴻龍

數鈴響羈臣發涼思陰藤束朱鍵龍帳著魑魅碧錦

帖花檉香衾事殘貴歌塵盡末年無絲長雲似珍壤

割繡段里俗祖風義隣凶不相忤沒病無邪祀鮐皮
識仁惠牝角知覲恥縣省司刑官戶之詬祖吏竹藪
添墮簡石磯引紉餌溪灣轉水帶芭蕉傾蜀紙岑色
冕縠襟孤寡拂繁事泉樽陶宰酒月眉謝郎妓丁丁
幽鍾遠矯矯單飛至霞巖殷差峩危溜聲爭次淡蛾
流平碧薄月渺陰悴涼光入澗岸廓盡山中意漁童
下宵網霜禽竦煙翅潭鏡滑蛟涎浮珠噉魚戲風桐
搖匣瑟螢星錦城使柳綴長縹帶篁掉短笛吹石根
綠彩蘇蘆笋抽丹漬漂旋弄天影古檜挈雲臂愁目
微帳紅骨雲香蔓刺苾交平百井閑乘列千肆刺促

開

成幾人好學鴟夷子

銅駝悲

落魄三月罷長花去東家誰作送春曲洛岸悲銅駝
橋南多馬客北山饒古人客飲盃中酒駝悲千萬春
生世莫徒勞風吹盤上燭厭見桃株笑銅駝夜來哭

自昌谷到洛後問

九月大野白蒼岑踈秋門寒涼十月末露霰濛曉昏
澹色結晝天心事真空雲道上千里風野竹蛇蜒痕
石爛東波聲雞叫清寒晨強行到東舍解馬投舊隣
東家名廖者鄉曲傳姓辛杖頭非飲酒吾請造其人

始欲南去楚，又將西適秦。襄王與武帝，各自流青春。
聞道蘭臺上，宋玉無歸魂。細縹兩行字，螿蟲蠹秋芸。
爲探秦臺意，豈命余負薪。

七月一日曉入太行

一夕遶山秋，香露溼蒙蒙。新橋倚雲阪，候虫嘶露樸。
洛南今日已，遠越衾誰爲。熟石氣何淒淒，老莎如短鋸。
秋涼詩寄正字十二兄

閉門感秋風，幽姿任契闊。大夜生素空，天地曠肅殺。
露光泣殘蕙，蟲響連夜發。戶寒寸輝薄，迎風絳紗折。
題書古雲馥，恨唱華容歇。百日不相知，花光變涼節。

開

弟兄誰念慮
戕翰既通達
青袍度白馬
草簡奏東闕
夢中相聚笑
覺見半牀月
長思尋劇環
亂憂抵覃葛

歌詩編第三

關化圖

kuanhua tu

館

guan

開化圖書館

Kaichwa library

九

四

歌詩編第四

隴西李賀長吉

艾如張艾音又

錦襜褕繡襦強強飲啄爾雜隴東卧毯滿風雨
莫逐良媒隴西去齊人織網如素空張在野田平碧
中網絲漠漠無形影誤爾觸之傷首紅艾葉綠花誰
剪刻中藏禍機不可測

上雲樂

飛香走紅滿天春花龍盤盤上紫雲三千宮女列金
屋五十絃瑟海上聞天江碎碎銀沙路羸女機中斷

煙素斷煙素縫衣舞八月一日君前舞

巫山高

碧叢叢高挿天大江翻瀾神曳煙楚魂尋夢風颺然
曉嵐飛雨生苔錢瑤姬一去一千年丁香筇竹啼老
猿古祠近月蟾桂寒椒花墜紅濕雲間

摩多樓子

玉塞去金人二萬四千里風吹沙作雲一時渡遼水
天白水如綃甲絲雙串斷行行莫苦辛城月猶殘半
曉氣朔煙上赳赳胡馬蹄行人聽水別隴上長東西

猛虎行四言

開

ka

長戈莫春強弩莫押乳孫哺子教得生
擗舉頭爲城掉尾爲旌東海黃公愁見夜行道逢騶虞牛哀不平何用尺刀壁上雷鳴泰山之下婦人哭聲官家有程吏不敢聽

日出行

白日下崑崙發光如舒絲徒照葵藿心不見遊子悲
折折黃河曲日從中央轉暘谷耳曾聞若木眼不見
柰爾鑠石胡爲銷人羿彎弓屬矢那不中足令久不
得奔詎教晨光夕昏

苦篁調嘯引

請說軒轅在時事伶倫採竹二十四伶倫採之自崑
丘軒轅詔遣中分作十二伶倫以之正音律軒轅以
之調元氣當時黃帝上天時二十三管咸相隨唯留
一管人間吹人間無德不能得此管沈埋虞舜祠

拂舞歌詞

吳娥聲絕天空雲閑徘徊門外滿車馬亦須生綠苔
樽有烏程酒勸君千萬壽全勝漢武錦樓上曉望晴
寒飲花露東方日不破天光無老時丹成作蛇乘白
霧千年重化玉井土從蛇作土二千載吳堤綠草幸
季在背有八卦稱神仙邪鱗頑甲滑腥涎一本

閑

ka

夜坐吟

踏踏馬頭誰見過眼看北斗直天河西風羅幕生翠
波鈿華笑妾顰青娥爲君起唱長相思簾外嚴霜皆
倒飛明星爛爛東方暝紅霞稍出東南涯陸郎去矣
乘班騅

筮篥引又曰公無渡河

公乎公乎提壺將馬如屈平沈湘不足慕徐衍入海
誠爲愚公乎公乎牀有菅席盤有魚北里有賢兄東
隣有小姑隴畝油油黍與葫瓦甌濁醪蟻浮浮黍可
食醪可飲公乎公乎其奈居被髮奔流竟何如賢兄

小姑哭鳴鳴

平城下

飢寒平城下夜夜守明月玉劍無玉花
海風斷鬚髮塞長連白空遙見漢旗紅
青帳吹短笛煙霧濕畫龍日魄在城上
依倚望城下風吹孤蓬起城中嘶瘦馬
借問禁城吏去關幾千里唯愁裹屍歸
不惜倒戈死

江南弄

江中綠霧起涼波天上疊巘紅嗟峨
水風浦雲生老竹渚暝蒲帆如一幅
鱸魚千頭酒百斛酒中倒卧南山綠
吳歎越吟未終曲江上團團帖寒玉

關

ka

榮華樂一作東洛梁家謠

鷲肩公子二十餘齒編
具層繳朱氣如虹蜺飲建
瓠走馬夜歸叫嚴更徑穿
複道遊椒房走裘金玦雜
花光玉堂調笑金樓子臺
下戲學邯鄲唱口吟舌話
稱女郎錦袿繡面漢帝旁
得明珠十斛白璧一雙新
詔垂金曳紫光煌煌馬如
飛人如水九卿六官皆望
履將迴日月先反掌欲作
江河唯畫地峨峨虎冠上
切雲竦劍晨趨凌紫氛繡
段千尋貽阜隸黃金百鎰
貺家臣十二門前張大宅
晴春煙起連天碧金鋪綴
日雜紅光銅龍鬣環似爭
力瑤姬凝醉卧芳席海素

龍牕空下隔丹穴取鳳充行庖纓纓如拳那足食金
蟾呀呀蘭燭香軍裝武妓聲琅璫誰知花雨夜來過
但見池臺春草長嘈嘈絃吹匝天開洪崖簫聲遶天
來天長一矢貫雙虎雲弣絕聘聒旱雷亂袖交竿管
兒舞吳音綠鳥學言語能教刻石平紫金解送刻毛
寄新兔三皇皇后七貴人五十校尉二將軍當時飛
去逐彩雲化作今日京華春

瑤華樂

穆天子走龍媒八轡冬瓏逐天迴五精掃地凝雲
開高門左右日月環四方錯鏤稜層般舞霞垂尾長

開

ka

盤珊江澄海淨神母顏施紅點翠照虞泉曳雲拖玉
下崑山列布旆如松張蓋如輪金風殿秋清明發春
八蠻十乘蠹如雲屯瓊鍾瑤席甘露文玄霜絳雪何
足云薰梅染柳將贈君鈿華之水洗君骨與君相對
作真質

相勸酒

羲和騁六轡晝夜不曾閑彈鳥嶮嶮竹杖馬蟠螭鞭
蓐收旣斷翠柳青帝又造紅蘭堯舜至今萬萬歲數
子將爲傾蓋閒青錢白璧買無端丈夫快意方爲歡
臞鷲臞熊何足云又會須鍾飲北海箕踞南山歌淫

淫管惜惜橫波好送雕題金人生得意且如此何用
強知元化心相勸酒終無輟伏願陛下鴻名絲不歇
子孫綿如石上葛東長安車駢駢中有梁冀舊宅石
崇故園

北中寒

一方黑照三方紫黃河水合魚龍死三尺木皮斷文
理百石強車上河水霜花草上大如錢揮刀不入迷
濛天爭滄海水飛凌喧山瀑無聲玉虹懸

梁臺古愁

梁王臺沼空中立天河之水夜飛入臺前關玉作蛟

龍綠粉掃天愁露濕撞鍾飲酒行射天金虎蹙裘噴
血班朝朝暮暮愁海翻長繩繫日樂當年芙蓉凝紅
得秋色蘭臉引春啼脉脉蘆州客鴈報春來寥落野
篁秋漫白

公無出門

天迷迷地密密能遮食人魂雪霜斷人骨嗾犬狺狺相
索索舐掌偏宜佩蘭客帝遣乘軒灾自息玉星點劍
黃金軛我雖跨馬大得還歷陽湖波大如山毒虬相
視振金鐸狡狴猥狹猷吐噉涎鮑焦一世披草眠顏回
十九鬚毛班顏回非血衰鮑焦不違天天畏遭銜齧

九言
所以致之然分明猶懼公不信公看呵壁書問天

神絃別曲

巫山小女隔雲別春風松花山上發綠蓋獨穿香逕
歸白馬花竿前子子蜀江風澹水如羅墮蘭誰泛相
經過南山桂樹爲君死雲衫殘污紅脂花

綠水辭

今宵好風月阿侯在何處爲有傾人色翻成足愁苦
東湖採蓮葉南湖拔蒲根未持寄小姑且持感愁魂

沙路曲

柳臉半眠丞相樹珮馬釘鈴踏沙路斷燼遺香裏翠

開
u a

煙燭騎鳴啼上天去帝家玉龍開九關帝前動笏移
南山獨垂重印押千官金窠篆字紅屈盤沙路歸來
聞好語旱火不光天下雨

上之回

上之回大旗喜懸紅雪撻鳳尾劔匣破舞蛟龍蚩尤
死鼓蓬蓬天高度雷齊墜地地無驚煙海千里

高軒過韓愈皇甫湜見過因而命作

華裾織翠青如葱金環壓轡搖冬瓏馬蹄殷耳聲隆
隆八門下馬氣如虹東京才子文章公二十八宿羅
心胷九精照耀貫當中殿前作賦聲摩空筆補造化

天無功庖眉書客感秋蓬誰知死草生華風我今垂
翅附冥鴻他日不羞蛇作龍

貝宮夫人

丁丁海女弄金錢雀釵翹揭雙翅關六宮不語一生
閑高懸銀榜照青山長眉凝綠幾千年清涼堪老鏡
中鸞秋肌稍覺玉衣寒空光帖妥水如天

蘭香神女廟三月中作

古春年年在閑綠搖暖雲松香飛晚華柳渚舍日昏
沙砌落紅滿石泉生水芹幽篁畫新粉蛾綠橫曉門
弱蕙不勝露山秀愁空春舞珮剪鸞翼帳帶塗輕銀

閑

ka

蘭桂吹濃眉菱藕長莘莘看雨逢瑤姬乘舫值江君
吹簫飲酒醉結綬金絲裙走天呵白鹿遊水鞭錦鱗
密髮虛鬢飛膩頰凝花勻團鬢分蛛巢穠眉籠小脣
弄蝶和輕妍風光怯暑身深幃金鴨冷奩鏡幽鳳塵
踏霧乘嵐歸撼玉山上聞

送韋仁實兄弟入關

送客飲別酒千觴無緒顏何物最傷心馬首鳴金鏢
野色浩無主秋明空曠閒坐來壯膽破斷目不能看
行槐引西道青梢長攢攢韋郎好兄弟疊玉生文翰
我在山上舍一畝蒿硯田夜雨叫租吏春聲暗交關

誰解念勞勞蒼突唯南山

洛陽城外別皇甫湜

洛陽吹別風龍門起斷煙冬樹東生澁晚紫凝華天
單身野霜上疲馬飛蓬間凭軒一雙淚奉墜綠衣前

溪晚涼

白狐向月號山風秋寒掃雲留玉空石煙青濕白如
幢銀灣曉轉流天東溪汀眠鷺夢征鴻輕連不語細
游溶層岫迴岑複疊龍苦篁對客吟歌筒

官不來題皇甫湜先輩廳

官不來官庭秋老桐錯幹青龍愁書司曹佐走如牛

開
ka

疊聲問佐官來否官不來門幽幽

長平箭頭歌

漆灰骨未丹水沙淒淒古血生銅花白翎金斡雨中
盡直儂三脊殘狼牙我尋平原乘兩馬驛東石田蒿
塢下風長日短星蕭蕭星旗雲濕懸空夜左魂右魄
啼肌瘦酪瓶倒盡將羊多蟲棲鴈病蘆筍紅迴風送
客吹陰火訪古沈瀾收斷鏃折鋒赤墨曾封肉南陌
東城馬上兒勸我將金換簳竹

江樓曲

樓前流水江陵道鯉魚風起芙蓉老曉釵催鬢語南

風抽帆歸來一日功
鼉吟浦口飛梅兩竿頭
酒旗換青苧蕭騷浪
白雲差池黃粉油衫寄
郎主新槽酒聲若無力
南湖一頃菱花白眼前
便有千里愁小玉開屏
見山色

塞下曲

胡角引北風
薊門白於水
天含青海道
城頭見千里
露下旗濛濛
寒金鳴夜刻
蕃甲鎖蛇鱗
馬嘶青塚白
秋靜是旄頭
沙遠席箕愁
帳北天應盡
河聲出塞流

染絲上春機

玉甕汲水花桐井
舊絲沈水如雲影
美人懶態燕脂

開
ka

愁春梭拋擲鳴高樓綵線結昔昔複疊白袷玉郎寄
桃葉爲君挑鸞作腰綬願君處處宜春酒

五粒小松歌并序

前謝秀才杜雲卿命予作五粒小松歌予以選書多
事不治典實經十日聊道八句以當命意

蛇子蛇孫龍蜿蜿新香幾粒洪崖飯綠波浸葉滿濃
光細束龍髯絞刀剪主人壁上鋪州圖主人堂前多
俗儒月明白露秋淚滴石筍溪雲肯寄書

塘上行

藕花涼露濕花鈿藕根澁飛下雌鴛鴦塘水聲溘溘

呂將軍歌

呂將軍騎赤兔獨携大膽出秦門金粟堆邊哭陵樹
北方逆氣汗青天劍龍夜叫將軍閑將軍振袖揮劍
鏢玉闕朱城有門閣榼榼銀龜搖白馬傅粉女郎火
旗下恒山鐵騎請金槍遙聞箴中花箭香西郊寒蓬
葉如刺皇天新栽養神驥廡中高桁排蹇蹄飽食青
芻飲白水圓蒼低迷蓋張地九州人事皆如此赤山
秀鋌禦時英綠眼將軍會天意

休洗紅

休洗紅洗多紅色淺卿卿騁少年昨日殷橋見封侯

開

ka

早歸來莫作絃上箭

神絃曲

西山日沒東山昏颼風吹馬馬踏雲盡絃素管聲淺
繁花裙緋繚步秋塵桂葉刷風桂墜子青狸哭血寒
狐死古壁彩虬金帖尾兩工騎入秋潭水百年老鴉
成木魅笑聲碧火巢中起

野歌

亞翎羽箭山桑弓仰天射落銜蘆鴻麻衣黑肥衝北
風帶酒日晚歌田中男兒屈窮心不窮枯榮不等嗔
天公寒風又變爲春柳條條看即煙濛濛

神泣

女巫澆酒雲滿空玉爐炭火香
瑟瑟寒雲山鬼來座中紙錢窸
窣鳴颼風相思木帖金鳳鸞攢
娥一唳重一彈呼星召鬼歌杯盤
山魃食時人森寒終南日色低
平灣神方長在有無閒神顛神
喜師更顏送神萬騎還青山

將進酒

琉璃鍾琥珀濃小槽酒滴真珠
紅烹龍炮鳳玉脂泣羅幃繡幕
生香風吹龍笛擊鼉鼓皓齒歌
細香舞況是青春日將暮桃花
亂落如紅雨勸君終日酌酌醉

開

ka

酒不到劉伶墳上土

美人梳頭歌

西施曉夢綃帳寒香鬢墮
髻半沈檀轆轤伊亞轉鳴
玉驚起芙蓉睡新足雙鸞
開鏡秋水光解鬢臨鏡立
象牀一編香絲雲撒地玉
釵落處無聲膩纖手却盤
老鷓色翠滑寶釵替不得
春風爛熳惱嬌慵十八鬢
多無氣力粧成髮鬢歌不
斜雲裾數步踏鴈沙背人
不語向何處下階自折櫻
桃花

月漉漉篇

月漉漉波煙玉
莎青桂花繁芙蓉別江木
粉態袂羅

寒鴈羽鋪煙濕誰能看石帆乘舩鏡中入秋白鮮紅
死水香蓮子齊挽菱隔歌袖絲刺罨銀泥

京城

驅馬出門意牢落長安心兩事誰向道自作秋風吟
官街鼓

曉聲隆隆催轉日暮聲隆隆呼月出漢城黃柳映新
簾栢陵飛鷺埋香骨礎發千年日長白孝武秦王聽
不得從君翠髮蘆花色獨共南山守中國幾迴天上
葬神仙漏聲相將無斷緣

許公子鄭姬歌鄭園中作

開

ka

許史世家外親貴宮錦千段買沉醉銅駝酒熟烘明
膠古堤大柳煙中翠桂開客花名鄭袖入洛聞香鼎
門口先將芍藥獻粧臺後解黃金大如斗莫愁簾中
許合歡清絃十五爲君彈彈聲咽春弄君骨骨興牽
人馬上鞍兩馬八蹄踏蘭苑情如合竹誰能見夜光
玉枕棲鳳凰袷羅當門刺綫綫長翻蜀紙卷明君轉
角含商破碧雲自從小靨來東道曲裏長眉人見少
相如塚上生秋陌三秦誰是言情客蛾鬢醉眼拜諸
宗爲謁王孫請曹植

新夏歌

曉木千籠真蠟綵落帶枯香數分在陰枝拳牙卷縹
昔長風迴氣扶葱龍野家麥畦上新壠長吟徘徊桑
柘重刺香滿地菖蒲草雨梁鸞語悲身老三月搖揚
入河道天濃地穠柳梳掃

題歸夢

長安風雨夜書客夢昌谷怡怡中堂笑小弟栽澗菜
家門厚重意望我飢充腹勞勞一寸心燈花照魚目

經沙苑

野水泛長瀾官牙開小筏無人柳自春草渚鴛鴦暖
晴嘶卧沙馬老去悲啼展今春還不歸塞嚶折翅鴈

開

ka

出城別張又新酬李漢

一本又

李子別上國南山崆峒春不聞今夕鼓差慰煎情人
趙壹賦命薄馬卿家業貧鄉書無所報紫葢生石雲
長安玉桂國戟帶披侯門慘陰地自光寶馬踏曉昏
臘春戲草苑玉輓鳴轆轤綠網緹金鈴霞卷清池澹
開貫瀉蚨母買水防夏蠅時宜裂大袂劍客車盤茵
小人如死灰心切生秋榛皇圖跨四海百姓拖長紳
光明霽不斷膏龜徒斃銀吾將課禮樂聲調摩清新
欲使十千歲帝道如飛神華實自蒼老流采長傾溢
沒沒暗齧舌涕血不敢論今將下東道祭酒而別秦

六郡無勦兒長刀誰拭塵地里陽無正快馬遂服轅
二子美年少調道調清渾譏笑斷冬夜家庭踈篠竿
曙風起四方秋月當東懸賦詩面投擲悲哉不遇人
此別定露臆越布先裁巾

歌詩編第四終

關化圖
kashua lib

龍山先生為文章法六經尚竒語詩極精
深體備諸家尤長於賀渾源劉京叔為龍
山小集敘云古濼井苦夜長等詩雷翰林
希顏麻徵君知幾諸公稱之以為全類李
長吉亂後隱居海上教授郡侯諸子卑士
先與余讀賀詩雖歷歷上口於義理未曉
又從而開省之然恨不能盡其傳及龍山
入燕吾友孫伯成從之學余繼起海上朝

夕侍側垂十五年詩之道頗得聞之嘗云
五言之興始於漢而盛於魏雜體之變漸
於晉而極於唐窮天地之大竭萬物之富
幽之為鬼神明之為日月通天下之情盡
天下之變悉歸於吟詠之微逮李長吉一
出會古今奇語而臣妾之如千歲石床啼
鬼工雄鷄一聲天下白之句詩家比之載
鬼一車日中見斗洞庭明月一千里涼風

雁啼天在水過楚辭遠甚又云賀之樂府
觀其情狀若乾坤開闔萬彙泯泯神其變
也歎駭人耶韓吏部一言為天下法悉力
稱賀杜牧又詩之雄也極所推讓前敘已
詳矣人雖欲為賀莫敢企之者蓋知之猶
難行之愈難也至有博洽書傳而賀集不
一過目為可惜也

雙溪中書君詩鳴於世得賀最深嘗與龍

山論詩及賀出所藏舊本乃司馬溫公物也然亦不無少異龍山因之校定且曰喜賀者尚少况其作者耶意欲刊行以廣其傳冀有知之者會病不起余與伯成緒其志而為之此書行學賀者多矣未必不發自吾龍山也丙辰秋日碣石趙衍題



金刻李賀歌詩編四卷余去年
得何義門手校者始知世有其
書諸家藏書目未之載也何云
碣石趙衍刊本每葉二十行二
十字項見是本正合其爲金刻
無疑最後序文何校未錄但云
龍山先生所藏舊本乃司馬溫

公物今觀全文語不付合且可
補何校所未備因急收之書之
奇遇之巧無有過是者雖重
直弗惜矣己巳中秋月復翁記

金劉仲尹字致君蓋州人有龍山集
李獻能欽非其外孫也義門諸子記

壬申仲冬望日陸杜生獲觀于讀未見書齋并題簽以誌幸



集外詩

南園

方領蕙帶折角巾杜若已老蘭茗春南山削秀

藍玉合小雨歸去飛涼雲熟杏暖香梨葉老草

梢一作簷竹柵鏤池痕一作滑鄭公鄉老開酒尊坐泛楚

奏一作酒吟招竟

假龍吟歌

五軋銅杯吟詠枯瘁蒼鷹一作鸞擺血白鳳下肺桂

子自落雲弄車蓋木死沙崩惡谿島阿母得仙

今不老窗中跳汰截清涎隈墀卧水埋金瓜崖
磴蒼苔一作蒼弔石髮江君掩帳篔簹折蓮花去國
一千年雨後聞腥猶帶鐵

感諷 六首

人間春蕩蕩帳暖香揚揚飛光染幽紅誇嬌來
洞房舞席泥金蛇桐竹羅花牀眼逐春暝醉粉
隨淚色黃王子下馬來曲沼鳴鴛鴦焉知腸車
轉一夕巡九方

苦風吹朔寒沙鷺秦木折舞影逐空天畫鼓餘

清笳蜀書秋信斷黑水朝波咽嬌魂從回風死
處懸鄉月

雜雜胡馬塵森森邊士戟天教胡馬戰曉雲皆
血色婦人攜漢卒箭箠囊巾惘不慙金印重跟
躡腰韉力恂恂鄉門老昨夜試鋒鏑走馬遣書
勳誰能分粉墨

青門

一作鳥
又作馬

放彈去馬色連空郊何年帝家物玉

裝鞍上搖去去走犬歸來來坐烹羔千金不了

饌貉肉稱盤臊試問誰家子乃老一作能佩刀西

山白盖下賢儁寒蕭蕭

曉菊泣

一作泣

寒露似悲團扇風秋涼經漢殿班子

泣裏紅本無辭輦意豈見入空宮晉初珮珠斷

灰蝶生陰松

蝶

一作蜂

飛紅粉臺柳掃吹笙道十日懸戶庭九秋

無裏

一作素

草調歌送風轉杯池白魚小水宴截香

瘦菱斜映青罩羊蒙

一作茸

梨花滿春昏弄長嘯

一作笑

唯愁苦花落不恨世裏到撫舊唯銷

一作傷

魂南山

坐悲峭

莫愁曲

草生龍坡下鴉噪城堞頭何人此城裏城角栽
石榴青絲繫五馬黃金絡雙牛白魚駕蓮舫夜
作十里游歸來無人識暗上沉香樓羅牀倚瑤
瑟殘月傾簾鉤今日槿花落明朝桐樹秋莫負
平生意何名何莫愁

夜來樂

紅羅複帳金塗蘇華燈九枝懸鯉魚麗人映月
開銅鋪春水滴酒猩猩沽重一篋香十株赤金

瓜子兼雜麩五絲封青鳧阿侯此笑千萬餘南
軒漢轉簾影踈桐林啞啞挾子烏劒崖鞭節青
石珠白駟吹湍凝霜鬚漏長送珮承胡盧倡
樓嵯峨明月孤新客下馬故客去綠蟬秀黛重
拂梳

嘲雪

昨日發葱嶺今朝下蘭渚喜從千里來亂笑含
春語一作雨龍沙溼漢旗鳳扇迎秦素義別遼城鶴
毛衣已應故

春懷引

芳蹊密影成花洞
柳結濃煙花帶重
蟾蜍碾玉
挂明弓
捍撥裝金打仙鳳
寶枕垂雲選春夢
鈿合碧寒龍腦凍
阿侯繫錦覓周郎
馮仗東風好
相送

白虎行

火烏日暗崩騰雲
秦皇虎視蒼生群
燒書滅國
無暇日鑄劍佩
玦惟將軍玉壇設
醮思冲天一
世二世當萬年
燒丹未得不死藥
挈舟海上尋

神仙鯨魚張鬣海波拂耕人半作征人鬼雄豪
氣猛如焰煙無人爲決天河水誰最苦兮誰最
苦報人義士深相許漸離擊筑荆卿歌荆卿把
酒燕丹語劍如霜兮膽如鐵出燕城兮望秦月
天授秦封祚未■袞龍衣點荆卿血朱旗卓地
白虎死漢皇知是真天子

有所思

去年陌上歌離曲今日君書遠遊蜀簾外花開
二月風臺前淚滴千行竹琴心與妾腸此夜斷

還續想君白馬懸雕弓
世間何處無春風
君心未肯鎮如石
妾顏不久如花紅
夜殘高碧橫長河
河上無梁空白波
西風未起悲龍梭
年年織素攢雙蛾
江山迢遞無休絕
淚眼看燈乍明滅
自從孤館深瑣窻
桂花幾度圓還缺
鴉鴉向曉鳴
森木風過池塘響
叢玉白日蕭條夢
不成橋南更問仙人卜

啁少年

青驄馬肥金鞍光
龍腦入縷羅衫香
美人狹坐

飛瓊觴貧人喚去天上郎別起高樓臨碧篠
絳曳紅鱗出深沼有時半醉百花前背把金丸落
飛鳥自說生來未爲客一身美妾過三百豈知
斲地種苗家官稅頻催勿人織長得積玉誇豪
毅每揖閑人多意氣生來不讀半行書只把黃
金買身貴少年安得長少年海波尚變爲桑田
榮枯遞傳急如箭天公不肯於公偏莫道韶華
鎖長在髮白面皺專相待

高平縣東私路

侵侵榭葉香木花滯寒雨今夕山上秋永謝無
人處石碣遠荒澁棠實懸辛苦古者定幽尋呼
君作私路

神仙曲

碧峰海面藏靈書上帝棟作神仙居清明笑語
聞空虛闔乘巨浪騎鯨魚春羅書字邀王母共
宴紅樓最深處鶴羽衝風過海遲不如却使青
龍去猶疑王母不相許垂露娃鬟更傳語

龍夜吟

鬢髮胡兒眼睛綠高樓夜靜吹橫竹一聲似向
天上來月下美人望鄉哭直排七點星藏指暗
合清風調宮徵蜀道秋深雲滿林湘江半夜龍
驚起玉堂美人邊塞情碧窓皓月愁中聽寒砧
能擣百尺練粉淚凝珠滴紅線胡兒莫作隴頭
吟隔窓暗結愁人心

崑崙使者

崑崙使者無消息茂陵煙樹生愁色金盤玉露
自淋漓元氣茫茫收不得麒麟背上石文裂虬

龍鱗下紅枝折何處偏傷萬國心中天夜又高
明月

白門前

白門前大樓喜懸虹雲撻龍尾劍匣破舞蛟龍
蚩尤死鼓龍逢天齊慶雷墮地無驚飛海千里

漢唐姬飲酒歌

御服沾霜露天衢長秦棘金隱秋塵姿無人為
帶飾玉堂歌聲寢芳林煙樹隔雲陽臺上歌鬼
哭復何益鐵劍常光光至覓威屢逼彊梟噬母

心犇厲索人魄相看兩相泣淚下如波激寧用
清酒為欲作黃泉客一作隔不說玉山頽且無飲中
色勉從天帝許天上寡沈厄無處張總帷如何
望松柏妾身晝團團君魂夜寂寂蛾眉自覺長
頸粉誰憐白矜持昭陽意不肯看南陌

聽穎師琴歌

別浦雲歸桂花渚蜀國絃中雙鳳語芙蓉葉落
秋鸞離越王夜起遊天姥暗珮清臣敲水玉渡
海蛾眉牽一作乘白鹿誰看挾劍赴長橋誰看浸髮

題春竹竺僧前立當吾門梵宮真相眉稜尊古
琴大軫長八尺嶧陽老樹非桐孫涼館聞絃驚
病客藥囊暫別龍鬚席請歌直一作當請卿相歌
奉禮官卑復何益

謠俗

上林胡蝶小試伴漢家春飛向南城去誤落石
榴裙脉脉花滿樹翩翩燕遶雲出門不識路羞
問陌頭人

開化圖書館

kaichua library

開化圖書館

Waihua library

開化圖書館

Kaishua library

開化圖書館

Kaishwa library

開化圖書館

Kaishwa Library

Blue Cyan Green Yellow Red Magenta White 3/Color

© The Tiffen Company, 2007

TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17
1 2 3 4 5 6 7 8 9 10 11 12 13 14 15 16 17


Inches

李賀歌詩編

開化圖書館
Kashima library

開化圖書

Kaishua Library



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color